

CATALOGUS
" "
CODICUM HAGIOGRAPHICORUM
LATINORUM

ANTIQUIORUM SAECULO XVI

QUI ASSERVANTUR IN

BIBLIOTHECA NATIONALI PARISIENSI

EDIDERUNT

HAGIOGRAPHI BOLLANDIANI

—
TOMUS II.
—

BRUXELLIS
A P U D E D I T O R E S
RUE DES URSULINES, 14
PARISIIS
ALPH. PICARD
rue Bonaparte, 82 | BRUXELLIS
O. SCHEPENS
rue Treurenberg, 8
1890

KF

23^o Passio sanctae Euphemiae virginis (fol. 141^r-151^v).*

24^o Vita et passio beati Emmerammi martyris, cuius festa * colitur decimo kalendas octobris (fol. 152^r-173^v). ^{sic.}

Ed. *Anal. Boll.*, tom. VIII, p. 220-53.

25^o Passio sanctae Mariae, quae passa est sub Adriano imperatore in Nicorentium civitate, die pridie kalendas novembris (fol. 173^v-178^v).

Ed. *Act. SS.*, ad d. 1 Nov., tom. I, p. 201-6.

26^o [Passio sancti Chrysogoni] (fol. 179^r-179^v).*

27^o [Passio sanctae Eulaliae] (fol. 180^r-182^r).

Ed. ex cod. Brux. 581, *Cat. Brux.*, tom. I, p. 261-63.

28^o [Vita sancti Zenonis] (fol. 182-184^v).

Auctore Coronato, ed. *Act. SS.*, ad d. 12 April., tom. II, p. 70-71, stilo tamen satis diverso.

CCCXCIX. Codex signatus num. 5594.

Olim « Saneti Benigni Divionensis » (fol. 34^v), deinde Colbertinus 5463, postea Regius C. 4177. 4.

Foliorum omnino 83, ex pluribus codicibus minoris formae compactus, qui exarati sunt saec. XI (fol. 1-34), saec XII (fol. 67-83), saec. XIII (fol. 35-58, columnis binis, reliqui vero lineis plenis) et saec. XIV (fol. 59-68).

1^o Passio sancti Sigismundi regis et martyris et sociorum ejus, quod est kalendas maii (fol. 1^r-4^r).

Ed. *Act. SS.*, ad d. 1 Maii, tom. I, p. 86-87, et *Script. Rer. Merov.*, tom. II, p. 333-40.

2^o Vita sancti Apollinaris Valentiniensis episcopi, quod est III nonas octobris (fol. 4^r-8^r).

Ed. *ibid.*, ad d. 5 Oct., tom. III, p. 58-62.

3^o Passio sancti ac beatissimi martyris Gorgonii, quae est v idus septembribus (fol. 9^r-13^r).

Ed. *ibid.*, ad d. 9 Sept., tom. III p. 340-42. Praeposita est epistola Milonis Mondonensis episcopi, ed. ap. Mabillon, *Act. SS. O. S. B.*, saec. III, part. II, p. 204, num. 3.

4º [De sanctis martyribus Gorgonio et Dorotheo] (fol. 13r-19v).

Prolixa oratio, habita, ut videtur, in Gorziensi monasterio recurrente sanctorum martyrum annua festivitate; in qua multo verborum ornatu celebrantur sanctorum martyrum certamina secundum Passionem modo citatam et narrationem Eusebii (interprete Rufino), *Hist. eccl.*, lib. viii, cap. 6.

Inc. *Salvatoris omnipotentiae, fratres dilectissimi, recte a fidelibus ubinam summa cum reverentia conlaudanda est, quae ad suae claritatis laudem simulque honorem universa distinxit opera...*

5º [Inventio capitis S. Joannis Baptistae] (fol. 19v-24v).

Scilicet a) Ep istola Dionysii, ed. *Act. SS.*, tom. IV Junii, p. 721-22, num. 153-55; b) Relatio Emesanorum, ed. *ibid.*, p. 716-18, num. 113-18; c) Apparitio S. Joannis Marcelli presbyteri, ed. *ibid.*, p. 724-26, num. 144-48 init. (usque ad verba cui dixit Stephanus presbyter).

Sequuntur (fol. 25) hymni duo de S. Radegunde regina (inc. *Mira cunctorum sator... et Ut Christus stemma virginum*).

6º Vita sancti Rigomeri presbyteri et confessoris (fol. 26r-34v).

Auctore Petro illo monacho Malleacensi, qui Goderanni abbatis jussu circa medium saeculum XI historiam sui coenobii conscripsit (ed. ap. Labbe, *Nov. Bibl. MSS.*, tom. II, p. 222-38; cfr. *Act. SS.*, ad d. 24 Aug., tom. IV, p. 786, num. 15). Is nempe in hujus historiae exordio significat se *vitam actusque tenerabilis confessoris Rigomeri ad calcem usque pro posse correxi[sse]*. Atqui Vita Rigomeri, quam exhibet codex noster, eidem Goderanno abbati dicata est (cfr. infra, prol., num. 3) ei profitetur scriptor (*ibid.*, num. 2) *satius* sibi visum esse *actus jam praefati patris, olim litteris insertos, expolire seu rem antiquam recenti, ut aiunt, incude renovare*. Attamen asserere non ausim Vitam illam antiquorem, quam prae oculis habuit Petrus, eam ipsam esse quam edidit Joannes Pinus noster (*Act. SS.*, tom. cit., p. 786-88): nam huic certe non convenit quod de illa indicat Petrus, nimirum ipsam tam barbaro stilo conscripsit esse ut necesse fuerit eam *e caeno abjectionis, quam aut inscritia dictantis aut incuria exceptoris incurrit, abstrahere sensumque nimia confusione irrelatum elucidare atque propalare*. Crediderim potius et anonymum illum a Pinio prolatum et Petrum hausisse ex communi fonte, Vita scilicet antiquiori, quae adhuc latet. Itaque nec Petri lucubrationem, hactenus ineditam, hic in lucem dare pigebit. Vid. Append.

7º [De sancto Huberto] (fol. 35r-35v).

Superest tantum num. 9 libri primi miraculorum, ed. *Act. SS.*, ad d. 3 Nov., tom. I, p. 822.

8º Passio sanctorum martyrum Victoris et Coronae (fol. 35v-41r).

Ed. *Act. SS.*, ad d. 14 Maii, tom. III, p. 266-68.

9º Vita sancti Arnulphi martyris Turonicae civitatis episcopi (fol. 41^r-58^v).

Ed. *supra*, tom. I, p. 415-28.

10º Vita sancti Severini abbatis [Agaunensis] et confessoris (fol. 59^r-66^r).

Ed. *Act. SS.*, ad d. 11 Febr., tom. II, p. 547-51. In fine haec add. :

Haec siquidem, ut supra praetulimus, de vita et quibusdam miris actibus sancti patris Severini secundum exemplar, quod a Fausto presbytero edictum fuisse credimus, prolixiore quodammodo stilo transcribere decrevimus; eo videlicet jure ut dum mens lectoris inhians longius detenta fuerit, profundiore sine dubio compunctionis dono cumulari valeat; sed et hoc dignum arbitrantes ut aliquanto diffusius beati viri actuum textu[s] propagaretur, ne luculenta piae recordationis insignia strictius quam legentis oblectaret affectum comprehensa vide[a]ntur. Itaque eorum omnium, qui haec lecturi sunt, caritatem obnoxie flagitamus, ut tardissimus nostrae rusticitatis sermo, licet aures offendat imperitia; * cod. *nullam testamentis in arte odiosae detractionis scintillam exsuscitare prudentia. queat; quin potius quilibet doctus et studiosus lector errata corrigens, supervacua radens, commode digestum, siquidem puri affectus benignitate percipiat, quatenus ex hoc magis caritatis benedictione signetur quam celerem reprehensionis furorem, quod absit, praeceps incurrat.*

11º Passio beatissimae Agathae virginis et martyris, quod est die nonarum februariarum (fol. 67^r-72^r).*

12º Passio sancti Vitali[s] martyris Christi et sanctorum Protasii et Gervasii (fol. 72^r-75^r).

Epistola Ambrosii, ed. *Act. SS.*, ad d. 19 Jun., p. 821-22, num. 17-23. Sequitur (fol. 75^r-75^v) initium epistolae ejusdem Ambrosii ad Marcellam sororem de inventione eorundem sanctorum martyrum.

13º De sancto Theodardo archiepiscopo Narbonensi (fol. 76^r-83^v).

Ed. *Act. SS.*, ad d. 1 Maii, tom. I, p. 142-56. Initio et fine mutila, inc. *Quamvis etiam in quibusdam codicibus* (num. 30 fin.), desinit vero in verbis *et non peccet evidenter* (num. 53 in.).

Appendix ad cod. 5594.

VITA S. RIGOMERI PRESBYTERI (Cfr. supra, p. 498, 6°).

Prologus in vita sancti Rigomeri presbyteri et confessoris.

1. Cum dudum apud veteres, uti multimoda eorum monimenta enucleatiū pandunt, plerique mortalium extiterunt humani dumtaxat favoris nimium avidi, quorum pars quidem, quo subtilitate acuti ingenii et compositione cothurni ser- 5 monis non tantum aequaeorum, verum etiam posteriorum, animos oblectaret, negotia antiquitus illustrium fortiter explicita chartis indere decreverunt, alii vero, proprietatem a se commentatae penitus materiae in propatulo evitantes, eolicis notis quam plurima bella compacta clam quidem e suo dum polire dispu- tationem molirentur, nonnulla verisimilia addentes, romana effecerunt, ne socor- 10 dia ac desidia contritum redderet hebdomadarum suarum otium, reliqui quoque, fallacibus caducisque saeculi dignitatibus ultro exuti, quo liberius atque expeditius ad indagandam illam quam demum sui sequaces dixerat philosophiam vaca- rent, academicum solum jugiter procellarum turbinibus obsitum petivere, quibus libidinosa mens refrrena non tantum simplicis incommutabilisque divi- 15 nitatis omnipotentiam volucri theoriae penna, quin potius humani perennitatem quoquo modo haurirent, ac stili officio propriis auditoribus, haudquaquam gravi ipsi dispendio liberi, promulgarent, cognito quippe excuso omnium rerum prin- cipe, seseque ejus bonitate immortalitate donatos, glaucis ludificationibus corde obnubilati atque fide[i] per caritatem operantis inscii, Deum decenter minime 20 honorarunt veraque pietate coluerunt, nullaque prorsus ad bene beateque vivendum gestu vel actu, saltem energia, nedum exempla, posteris relinquentes, totius carnis viam nudi et miseri ingressi sunt, quisquis pia compassione proximis subve- nire captans, quae quisque deificus satelles, non solum camini examinatione ex- 25 cocto auro sed etiam lilio violis tropice assimilatus, purissimae credulitatis can- dore peregerit, quo exemplo ipsius longanimitatis, mansuetudinis, sobrietatis, discretionis, castitatis, frugalitatis, puritatis, gravitatis, moderationis atque reli- quarum virtutum decore hebetudo hominum reverberata et concussa aut verbis aut scriptis retulerit, non ut labile vocamen dilatare vel famam sui pauculis grammulis in ora superstitione signatam velit propagare, sed exercitiis praelibatis ad bonae artis 30 studia provocando evehere, carissimo mihi affectu amplectendus merito videtur, quoniam dum os illius non opera hominum, sed Dei in suos operantis eructuat, ad beatae hereditatis florigeram requiem, termino numquam obnoxiam, loquendo auditores inflamat.

2. Haec itaque mecum diu multumque pertractans, postquam saepenumero ab 35 aliquibus germana mihi caritate connexis fratrum personis instigatus sum qua- tinus ex venerandi Domini sacerdotis Rigomeri sacra deportatione seu de mira-

culis ejus intercessionibus creberrime patratis saltem annotando scriptitarem,
 instabilem cunctabundamque mentem, nunc in hoc nunc in illud partientem,
 vix tandem in sese pro posse contraxi, reputans quod tam caritativa rogantum
 instantia a conditore forsan luminum principium caperet, sique hanc omnino
 5 reicerem, debitus ejusdem patris, cuius ad urnam cotidie assisto, neglectus famu-
 latus cum refragatione precum fratum me in die Domini reum constringeret.
 Porro autem jam ad digerenda ea quae mens ad haec opportuna praetenderet,
 post tergum paululum recondito imperitiae pudore, ex integro de eo praesumens
 cuius ad nutum quandam silex effudit laticem, memet coegeram, cum ab intus
 10 suggestio hujusmodi emergens innuit, satius esse actus jam praefati patris, olim
 litteris insertos, e caeno abjectionis, quam aut inscitia dictantis aut incuria
 exceptoris incurrerunt, abstrahere sensumque nimia confusione irretitum eluci-
 dare atque propalare. Ad haec parum perfixo gradu pendulus suspendebat, donec
 speculo libratae rationis id maxime consonum animadversum est, quoniam quidem
 15 absurdissimum liquet exitum cuiusque rei variis compositionibus redimiri, fronte
 aditus deformi neglecto. Hinc ergo propensius, factus hilarior, rem antiquam
 recenti, ut aiunt, incude renovare gestiens, multum commodum legentibus afferre
 deprehendi, dum ea re praecipue assignabitur victrix sufferentia virginitasve
 florida, quae utraeque res raro simul reperiuntur, vix interdum habitae retinen-
 20 tur, dicto citius amittuntur, quo foedere conserventur. Si vero quisquam, quod
 reor perfacile, hos conatus meos lividis contemplatur ocellis, irrisoris arbitris
 more subsannando proponat intolerabile fore tantae nobilitatis materiam tantillo
 homuncio^{*} impudenter occupare, quem nullus urbanae lepor eloquentiae ab
 ignobilitate sua aliquando excusserit, attendat me paulo ante fassum fratrum
 25 prece ac beatissimi viri Rigomeri amore ad hoc propulsum : illis siquidem obse-
 quium, huic certe famulatum debeo, et quamdui exteriorem interior homo incolo,
 quin aliquid gratum illis, utile multis, experiar, mihi jubere recuso. Quod si
 felleus rancor his minime complanatus grunnire desiverit, altum carmen sylo-
 gisticis nodatum plectibus multa per volumina evomat; sit subtilior prosa Lac-
 30 tantio, historia Hegesippo, versu Homero. Esto : et quid ad nos, si benevoli
 sociabilis plausus, luridum murmur si aemuli fuerimus ?

3. Haec interim necessario superfluis pedetentim latratibus objecta, ceterum
 vobis, o praesul Domini Goderanne, cui ineptias meas referre soleo, certus quan-
 tum de probitatibus cordi vestro assit jubilum, vobis, inquam, has frugum
 5 mearum peregrines primitias dedico, quatinus excellens prudentia vestra hiantia
 suppleat, modum excedentia infra congruos limites abdat, opportune, si qua sunt,
 prolata roborando assignet, quo tanti per sacerdotis manus patri libatae spiritum,
 liberior exordiar, Rigomeri athletae Christi Dei et Domini nostri meritis ac vestris
 opitulatus suffragiis, sequens opusculum. **Explicit.**

^{*} sic.

Incipiunt capitula.

- I.** De nativitate ejus, sub quibus regibus fuerit.
II. Quod sanctus Innocentius tum Cinomannensis antistes erat et sanctis eo tempore plurima juvamina florentibus subministrabat.
III. Quod a pueritia litteris eruditus sit, et presbyter factus verbum Dei prae-
dicaverit.
IV. Quod Orisanum straverit, et multum ibi populum ad fidem Christi adduxerit.
V. De matre beatae Thenestinae sanata.
VI. De conversione ejusdem beatae Thenestinae virginis.
VII. Quod ab ea infamatus, et ante regem accusatus, et flamma duobus cereis caelitus impetrata purgatus sit.
VIII. Quod postea Thenestina beata velata sit.
IX. Quod beatus Rigomerus jussu beati Innocentii ecclesiam apud Suliniacum aedificaverit.
X. Qualiter ad Christum migraverit.

10

15

Incipit vita ejusdem.

[I.] Ea igitur tempestate qua paternum imperium suorum assensu procerum Clotharius atque Childebertus aequa inter se lance pensantes diviserunt, quorum alter Radegundem gloriosam ac toto paene orbi famosam, nec tantum fragili muliebri verum etiam virili sexui juste imitandam, sortitus, regio sibi more copulavit, sequens vero Wltrogodam, multimoda, ut fertur, probitate vallatam, uxorem duxit, in suburbio Cenomannicae urbis, praediolo Condita Saugonensi vocitato, clarissimis dignitate et, quod pluris est, religione natalibus, fertili ceu e cespite rubens rosula, Rigomerus, Domini futurus agonitheta, feliciter emicuit. **20** Genitores vero ipsius, diu praeoptata sobole Dei summi munere ditati, admodum gratulabundi, sacris primum lavacris expiari, deinde pari voto codemque decreto regi regum Altithrono statuunt promptius consecrari. Quod quonam pacto sit factum, auctore vero et uno Deo, sequentia liquido perdocebunt.

II. Cathedrae sane sanctae matris Cenomannensis ecclesiae sub eodem rotatili **30** annorum cardine sanctae recordationis Innocentius praesidebat antistes; qui adeo vocabulo opere consonabat suo ut elementissima pietate, utcumque sibi peculiariter caelitus attributa, omnium paene sub se degentium affectus couniret et vota. Et licet cunctis haberetur carissimus et affabilis, tamen quodam privilegio, apostolici executor oraculi, aderat sanae fidei domesticis. Siquidem beato Kari- **35** lepho in quodam diocesis sua loco supra amnis rivulum, Anisola praenominatum, quo coenobium instrueret amplissima juvamina concessit; nihilominus vero venerando Avito plurimum amminiculum indulxit utque aedificandae cellulae desiderium completeret compulit. Hi porro viri, Avitus videlicet et Karilephus,

Maximini sanctissimi, qui super Ligeris alveum haud procul ab altis moenibus Aurelianensis oppidi Christo Domīno grataanter valde militavit, disciplinis a pueritia traduntur edocti; diutinaque praceptoris sui sollertia examinati, anachoreticum exercitium, ipsius opitulati orationibus, quo liberius divinae speculationis
 5 quiete perfui valerent, arripuerunt, solo^{*} haerentes Deo suique curam fastidio habentes cum fallaci mundo. Verum non istis tantummodo bonae spei jam dictus Innocentius opportuna subsidia inferebat, sed etiam eidem multae simplicitatis Dei servo, Launomaro nominato, monachili schema decorato, in vico quodam subter fluente latice, [qui] Curbio agnominatus est, coenobium condidit atque
 10 largissime, quo promptius tum praticos tum theoreticos fructus metere valeret, multis opum copiis nobilitavit. His omnibus divae memoriae Childebertus augustus, cuius dicioni regio tum illa, fratre Clothario citeriore tenente Gallia*, subjacebat, assensum praebebat piisque talium conatibus festivo corde alludebat. Et recte quidem: ore profecto nostri purpurati exterius, paupere quoque
 15 ac egeno interius, sancitum est quod honor regis judicium diligit, et quidam inter sui temporis primos permaximus philosophus beatas fore respublicas, si eas vel sapientes regerent vel corum rectores sapientiae studerent, astipulavit. Ergo augustus iste, ut mihi videre videor, hoc uno facto utrique sententiae affuit: quoniam dum sanctis beati Dei suffragium intulit, judicium dilexit, et hoc agendo
 20 quod ad beatitudinem tendit, rempublicam beatitudine suo regimine insignivit. Ut autem a digressione pedem contrahamus, dum haec aguntur, Rigomerus, Iesu Christi famulus, eo in loco ea qua dictum est serie adoritur.

III. Decursis quoque puellaribus annis Launildo sacerdoti mancipatur, quo ecclesiasticis exercitiis vigilanter imbueretur. Admotus itaque ad virum Dei puerulus, atque ex mitissima qualitate infantilis formulae non parvi boni participium sibi inesse conjectatus, ignita quippe caritas sui ardoris scintillam celerrime odoratur, blande nimium ipsius complexus indolem: *Mi, inquit, nate, tegmine alarum Dei mei, ad quem configui initium arripere videris, protectus, ad beatae immortalitatis solidissimum pervenire queas litus.* Haec certe
 25 famina ubi heros silentio suppressit, priscos notarum characteres ei exhibuit; quos mira facilitate, utpote Deo secunda, mens, licet tenera aetate, exhaustit. Nimurum dehinc ad psalmicinis deisticos cantus atque ad reliqua studia memoriae mandanda appulsus, quam compendiose non modo coaeuos, quin potius eos qui se autumabant sciolos, arduis, ut complexive dicam, totius scientiae fastigiis sit
 30 supergressus, ad explicandum penuria nostri deficit sensus. Nec immerito: sicut enim litteris cecinere suis hi quos jam retinet curia caelestis, nulla condicione Spiritus sancti munus potest arceri; quod qui obtinere valuerit, vere liber erit. Ejus est enim qui habet Spiritum Christi, cuius ante notitiam legale opprimens jugum prorsus emarcuit, quo micante grata felicitas servitutis Dei per gratiam
 35 redemptionis Jesu Christi illuxit. Hujus nempe disciplinae vigore Rigomerus venerabilis ab imis evulsus, ad usque presbyteratus amoenum gradatim decus enituit; quo ita monitis salubribus parendo potiri, more recentis tironis audaci

* sic.

* sic.

animo multas catervas hostium prosternentis, meruit ut circumquaque omni aetati, omni professioni consona verbi Dei jugiter intorqueret jacula, quorum acri jactu et fideles expurgiscerentur et increduli concuterentur. Et his quidem qui jam beneficentiae primordia incoharant illud propheticum : *Ite de virtute in virtutem ingerebat, quoad visionem Dei deorum praetendatis in speculatione visionis pacis, fraterna dilectione conglutinati in eum*; quodque redoleret illud dolentis Job : *Visitans speciem tuam non peccabis*; quod et apostoli Pauli : *Alter alterius onera portate, et sic adimplebitis legem Christi*; et evangelicum Salvatoris : *Quaecumque vultis ut faciant vobis homines, haud dubium quin bona, eadem et vos facite illis*: videlicet ut sese quilibet ex suis 10 affectionibus pensans, eo animo inopi ac desolato occurreret quo miseriae propriae ab alio succurrere anhelaret, tumque speciem sui inviseret dum proximi onera bajularet, nihilominus et homini id quod ab homine sitibunde optaret impertiret. Eis autem quos tetra fuligo pravitatis in volutabro sordium involverat, quin disto[r]ta malitiae suaे desererent compita intentabat : alioquin, nisi, 15 dum arrideret eis volubile ac breve tempus, ad paenitentiae confugerent medecamina, imminere sibi diem Domini, quam praescius velocem, amaram, nebulosam, turbine vel clangore atque caligine completam indicat propheta, in qua, ubi regali suo diademate decoraverit justos judicis gratissima misericordia, demum iniquos petulantiaque infectos multabit ipsius justitia. His autem atque hujus- 20 modi studiis Rigomero suo intento summae et incomprehensibili majestati divinae, ne quis saltem perversus mellitis ejus eloquii quid fucatae vanitatis mente suspicaretur, adeo pervalidam curationis gratiam concedere placuit, ut quisquis, cujuscumque generis morbo elisus esset, usus benedictione et contrectatione ejus, incolumis ad sua remearet. Consecratum porro secum Deum, non surdus 25 Jacobi apostoli auditor, serebat, quo in ejusmodi negotiis ubiubi uteretur, hoc modo credens oculere posse coram omnibus non per se explicitas virtutes, quoniam nullatenus gloriam suam vulgi adulationibus venditare, sed potius archivis bonae conscientiae abdere malebat, corde retenta veritate, quae perhibet alumnis suis ne suam faciant justitiam coram hominibus ut videantur ab eis, quia 30 quod altum sit hominibus, prorsus abominatur Deus.

III. Itaque eodem tempore haud procul ab eo vico, quo idem deicola morabatur, devius rusticæ plebis error antiquissimum sibi idolum, quod citabatur ac si pro reverentia Orisanum, recensendo dedicarat, cui, ut talibus moris est, fumosa saepissime cruentave mactabat libamina atque caenulenta donaria. Quod ubi 35 Domini vexillifer advertit, condolens infelici admodum vulgo, qui in facie Dei sui terga, versuti serpentis dolo illectus, emiserat, quiue falsa pro veris colendo theatrica festinabat ad exitia, metuens plurimum quod, si huic tacendo annueret nec acutas potentis sagittas, scripturarum scilicet divinarum, terrores ei intimaret (scriptum quidem a quodam nostro, cui ipsa vis deifica post densissimam filii 40 hominis iterationem inculcarat, non ignorabat : *Nisi iniquo iniquitatem suam allegaveris, discriminé cruoris ejus carere nequibus*), ad praelium accensis

animis, aliquibus fratribus accitis sui causam detegit angoris, illoque se praetendere velle asserit, dominicae consitus sufflamine virtutis. Porro autem illis obnixe probantibus seque commilitones profitentibus, locum vir Dei petit intrepidus. Nutu quoque, ut remur, Christi multa utriusque sexus, virorum scilicet ac mulierum, copia eo die ac si sollemnizatura simulacro confluxerat. Cujus se in medio Rigomerus inserens : *O, inquit, pro pudor! cur ad injuriam cunctipotentis Dei operi ad libitum artificis imaginato cervicem flecteris, corpus prosternis, regalis imago certa?* Cur, quaequo, fictilem effigiem, totius sensus ac rationis expertem, verbotenus saltem personas Deum, quae, ut re ipsa 5 scitur, debilitati penitus fit obnoxia ni tua sit industria defensata? Ad haec efferae crudelitatis dudum gens mox conglobata, talibusque carminibus caellestis medicinae periti praecantata ac subacta, quid sibi restaret agendum complex efflagitat. Respirans vero paulisper dulciloquus disputator, ubi multitudinem deifica aspiratione odoratur respersam, coepit jam gratior repetit alloquium, 10 multiplicique dogmate Christi et Ecclesiae plane nimium evangelizat sacramentum, assignans quo condicionis loro stringi debeat qui se dominico corpori mancipare deliberaverit membrum. Quid multa? Ubi scelerum suorum in sermonibus Rigomeri sanctissimi, ut ita dixerim, picturam prospicit, delusamque se versipelis hostis dolo, dum sabaea daemoni qui in fano latitabat tura accenderet, sentit, 15 concio tota resolvitur in luctum, maestitudinemque non ferens, pari conspirationis voto, tamquam necis suae incentorem interemptura evolat ad delubrum, atque mille convicia evomens, fanum turpiter quidem, uti decebat, impellit ad solum particulatimque concisum dispergit in gyrum ; sicque salutis propriae adit magistrum, errori suo salubre indulgere implorat antidotum. Cui belliger Domini 20 admodum alacer opportuuae paenitundinis designat spatium ; nec multo post diligenter instrumentis fidei cameratam baptismate sacrosancto eluit ac in thesauris Ecclesiae inducit. At recens triticum Dei a paleis secretum, hortante Rigomero suo, multae pulchritudinis basilicam construit ; ordinataque inibi Domini clientela, retrogradu calle repeat ad propria.

25 **V.** Interea quaedam et generis et dignitatis nobilitate vernans matrona, Truda cognominata, cui tantummodo inerat unica, de qua suo loco paucis dicemus, nata, gravis incommodi vexatione valde tribulabatur, adeo ut de sui corpuseculi revelatione omnino spes abesset. Sanctitate viri fama volitante comperta, legatione fungi quendam e suis industrium ad eum cum multa obsecratione dirigit, 30 quo ad se sacerdos reverendus accedere non deditnaret mortique paene immimenti solamen solita pietate praetenderet. Nec cunctatus ille, quippe caritate ac clementia ditissimus, agram invisere, recolens scriptum viduas et pupilos in tribulatione eorum debere visitare, Dominum quoque his qui tribulato sunt corde juxta fore. Extemplo ergo ei accedens, primum verbis salutari sale conditis 35 demulcet ; deinde, ne ullo se maerore pro his quae sibi a justo inferrentur judice ad meliorationem vitae labefactaret ; postremo infert ut peccata sua elemosynis redimeret ac gazas sibi divinitus largissime praestitas, juxta Altissimi praecepta,

egenis propensius spargeret : sicuti enim latex ignem, ita alimonia pauperi concessa scelerum obruit molem. Cujus cum suasionibus mulier sapiens grataanter annueret eisque pro posse obsecundare profiteretur, solita sacerdos arma corripiens, humo provolvitur et piis votis summi dulcedinem opificis imprecatur, quo languidae sua se benignitati inclinanti auxiliari, nec tantum cadaveri verum 5 etiam imagini sua, animae scilicet, priscum salutis robur redintegrare dignatur. His ita peroratis, in pedes erigitur atque purificati olei liquore omnes liniens artus, fugato ex integro morbo, dicto citius sitiae incolumitati aegra repreäsentatur, atque in Domini laudibus cuncti spectantes accenduntur. Laudatum porro choreis filia ejusdem feminae, Thenestina dicta, de qua paulo superius paucis 10 absolvere promisimus, intererat, quam jam pridem genitrix ejus cuidam regis optimati, felicium genitorum sanguine creti*, despontarat, attentius collocans animo quaecumque obtutibus auribusve colligebat.

* sic. **VI.** Tanti itaque stuporis parum perstrepitu sedato, opportune puella audiens Rigomerum beatum, admodum ejus dictis oblectari fatetur, formulam vero consuetationis sibi pernecessariam ab eo obnixe praestolari confitetur. At moderatissimus sacer, quamquam paratus esset omni poscenti se rationem pendere de fide ac spe quae in Deo est, volens tamen probare spiritum ipsius an ex Deo foret, infantulam adhuc eam ingeminat, matris potius ad libitum virili thoro uti optere, sublime aliud ad propositum aspirare posse denegat. Verum virginis fortitudo decoris, quam suis mitissimis amplexibus praeviderat virgo agnus : *Adeo, inquit, sancte, pomposum hunc mundum, omniaque quae in eo mortales fallunt amplius quam quid perennis emolumenti praebent, reicio funditus, ut ipsi etiam sponso renuntiavcrim omnino, quem mihi providisse putarat amor maternus.* Rigomerus nempe beatus, tantae professionis gaudio gavisus, quippe qui scriptum legerat : *Laetare, sterilis, quae non paris, erumpere et clama quae non parturis, quoniam plures desertae filii quam ejus quae sub viro gemit, auspicio quodam eorum et numero illam praesagans qui virgines sequuntur agnum quocumque ierit quique sine macula sunt ante thronum Dei : O mi, ait, filiola, si vere ea, quae tibi secundum desideria erroris vivendo fuerant lucra, reris, uti fassa es, propter Christum Dominum et Deum nostrum detrimenta, quae suis spondeat amicis is quem amare, ambire, esurire, sitire, contemplari vera est vita, diligenter auscultando mente colloca.* Atqui quodam in loco : « *Vos, inquit, amici mei estis, si feceritis quae praccipio vobis.* » Alias vero quid amicis suis pollicitus sit dilucidans : « *Qui omiserit, ait, patrem aut matrem cunctaque quae possidere potuerit, secutus atque me fuerit, centuplum accipiet et vitam aeternam possidebit.* » Porro autem, ut omnibus de se gaudere captantibus indicaret quam infatigabiliter obsequi congruat jussis ejus : « *Nemo, inquit, mittit manum ad aratrum et aspicerit retro, qui aptus sit Dei regno.* » Paulus sane hoc ipsum definiens : « *Nullus, inquit, luctator regalibus sertis donabitur ni certator legitimus comprobetur.* » Haec evangelica et

apostolica sunt. Jam si uniat tam arduum, ad ludum scande; si displace, cede. Igitur cum ad haec experienda, Domini confusa sufflamine, Thenestina paratam se profitetur, atque dehinc diatim sacra collatio ventilata ad invicem abunde sat agitaretur, humanae salutis hostis tetricus, cum a cordium aditibus 5 eorum cerneret exulare sese penitus, facibus invidiae accensus, veternosa ad molimina retorquens opaca tela, bellum immittere festinat saltē forinsecus, quo sancta societas altaque caritas tepesceret in Christi bellatoribus. Maledicis namque ac perditis mox suggestendo ingressit hominibus, admodum refragari religioni puberem puellam, spreto conjugii dote, omni obsequio ignoto clericello parere, 10 praesertim cum divinae imperarent lineae adolescentiores nubere, filios procreare, matres fa[mili]lias esse. At ubi hujus zelotypii scelus a secreto paulatim dictantium in publico raptim prosilivit, videres inertes, falsiloquos, decolores, dentibus strictis, frementibus labiis prae immaturo furore, hac illacque nugarum phaleramenta dispergere, virumque beatum tanti facinoris auctorem cavillari. 15 Nec hoc tantummodo suae malitiae suffecerat; quin potius Severum, praefatae virginis sponsum, ita quippe vocabatur, adeunt, tantoque angore percellunt, addentes quod nisi his machinamentis sagaciter obviare maturaret, amore peropatae uxoris cunctique patrimonii in brevi careret. Eorum ergo delationibus, utpote totus libidine flagrans, nimium lacesitus, primatisbus atque palatinis pro- 20 prii, ut credebat, infortunii eventum intentat, quidque sibi consultius agendum sit ut decernant remota mora debachando efflagitat. Tum siquidem nutu nobilium una cum eo illo regius miles dirigitur, quo facilius an hujusmodi fuerit, ut infelicitas ea divulgata est, detegatur. Citato quoque itinere ubi ad vicum quo Jesu Christi pauperes excubabant ventum est, ac si furciferi trahuntur, dehonestantur, tandem fidis assignati custodibus, principis ad usque Childeberti praesentiam irreverenter impelluntur, qui paulo ante eo in loco advenerat qui Palatiolus vocitur, multo milite multaque plebis frequentia constipatus.

VII. Interea praetaxatus innubae virginis sponsus Severus, querulo ore furibunda convicia in aethera spargens, irrumpit; cuius ad clamores utraque citius 25 omnis confluit aetas, avida haurire oculis quo foedere lis instigata dirimeretur. Tum spectatores isti ista, illi illa frivola jacientes, gregale murmur dum faciunt: *Vos, inquit Severus, o regalis claritatis judices egregii, omnipotentis Dei futurum examen vobis opponens appello. Non propriae infamiae notam, verum commune discriminem mente perpendite; et ne jugalis amor ab his qui sacerdotio specienter palliantur, unde legitimae propagasse creduntur soboles, furentur puniendo concludite.* At uterque Jesu Christi miles, verborum missilibus atque flagellis opposito longanimitatis umbo, ad requiem nitidis conscientiae, quo verbum editur verum, secesserant, facti ceu vir non audiens atque in ore redargutiones non habens, expectantes 30 eum qui munire novit suos a pusillanimitate spiritus et tempestate, quique erudit eos super jumenta terrae et praebet carmina in nocte. Igitur imperitante rerum domino, utrumque perplexa multitudinis declamatio alto sub silentio sepelitur;

* sic.

Rigomerus quoque causas ut peroret, excusando an detegendo, tanti flagitii exhortatus est. Porro ille eleganter nimium ac modeste, quippe in quo Spiritus Patris eloquia concinnabat, haudquaquam se viro dempsisse, quo sibi annexeret ganeorum more, uti delatores criminabantur, optatum matrimonium, prosequitur, immo amatori integritatis inviolatum puerilae corpus suis documentis sigillari voluisse 5 fatetur. Hinc demum consequenter augustus : *Jam, inquit, remotis dictorum ambagibus, an sincerae religioni tali negotio omnino deservieris, liquido dinosci faxo, scilicet si in illa ipsa quae nostrae majestati detulisti munuscula* (cereolos etenim, ne regium penetral vacui ingrederentur, assumpserant) *ignivomani caelitus adipisci merueris flaminam*. Ad haec senior, 10 eor polo infgens, nullo pacto ejus ope diffusis qui de temptatione pios eripere atque auxilium opportune, praecipue in tribulationibus, novit immittere, cunctis speculantibus in arva una cum Christi dilecta Thenestiia omni corpore prostermitur, eusve levamen pio affectu, qui vota flebilesque pauperum suorum gemitus exaudire consuevit, imprecatur. Nec eum fefellit spes ipsius. Atqui sanctae illius 15 orationis modum ratum credimus reticere satiusque ex proventu colligere gestae rei, quoniam quidem adeo pervalida fertur fore vota rogationis vis ut idem ipse cui Dei gratuito munere largitur, ubi de illo felici, opulentissimo, excellen- 20 tiissimo, dulcissimo quietissimoque statu miseria sua reverberatus ad se redierit, quid pura mens summo confabulata sit piis votis, piis gemitibus, lenis clamori- bus principi, plene reminisci nequirit. Itaque ut de his quae patulo exacta sunt tantisper loquamur, breve post spatium, terminato rogatu sancti, assurgunt; dominicoque signo cereolis infuso, cernitur his innasci ignis aethereis demissus ab oris. Tum profecto rex cum omni multitudine, tanto monstro perculsus, ac ne se vivum obsorberet tellus dehiscens veritus, eo quod Christi alumnos calu- 25 mniatus sit reproborum insectationibus, regia spreta dignitate, agiliter ad sancta vestigia advolvitur, errori indulgenda veniam reverenter expostulans, de cetero nec se tale quid vel leviter suspicari pollicetur. Nec hoc quoque apud beatum Rigomerum grave impetratu erat : totus quippe clementi bonitate exundabat, quo circa nulli eam denegare quibat. Siquidem remissionem, quam supplicabat 30 saepe libatus augustus, ei impendente, primum quidem in eodem vico ad recordationem sanctitatis Rigomeri basilicam miro aedificio cameratam instruxit; deinde, ex voluntate benedicti Innocentii, quem superius Cenomannis pontificatum regere adstipulavimus, bis binas villas utrique athletae Domini suum ad fiscum pertinentes contradidit, novissime obnixe obsecrans ut pro se atque regni 35 stabilitate vel diurna quiete totius boni conditorem jugiter exorarent, nativum ad solum reverti honorifice permisit. O te plane felicem omniisque praeconio attollendum ac omni jubilo celebrandum, Rigomere sanctissime, merito praedicav- 40 rem; cuius invictae preci, ad ostendendum immaculatum candidissimum florem virginitatis atque ad refellendas lutulentas falsidicorum nugas, concessum sit rutilum caelici jubar luminis. Et quidein opportune nimis igne alendo operibus apum, quae causa filiorum, ut physicis placet, cedere respuunt corporeae immu-

nitati, pulcherrimae castitatis integritatem propalasti : sicuti enim ignis absque
 dispendio sui ex sese splendorem gignit atque apis sobolem inviolata virginitate
 concipit, ita nimurum, ita sacra virginitas sui pudoris sine diminutione, dum
 semper non pomposo mundo sed vero Deo complacere gestit, ipsi pignera verbo
 5 et exemplo incessanter parturit. Verum interim vellem tanti celsitudinem portenti
 quoquomodo mente animadvertere, vellem cuius sit comparationis, nisi aridi-
 tas tenuis propediret ingenii, pensando ruminare. Namque quid super hoc sapien-
 tium industria conjectaverit ipsa viderit ; mihi nempe is qui tantum valuit, parvi
 nequaquam videtur meriti. Quotiescumque quippe sanctitatis illius beati calvi
 10 vatis, qui igne e caelo impetrato bis quinquagenarium cum suo agmine stravit, in
 cuiusve sepulcro exanimatum hominis cadaver revixit, reminiscor, et hujus nostri
 Rigomeri factum e regione contemplor : quoniam primum fecit * [scilicet ignem e
 caelo impetravit], secundum [scilicet hominem suscitare], si necessitas incum-
 beret, efficere posse certissime credo ; neque, quantum ad admirationem, primum
 15 [id est ignem], referre a secundo [id est ab homine vivificato], immo, si dici fas
 sit, quantum hoc rarius, tanto mirabilius assentior. Cum namque quis mortuo
 spiritum redintegrat, id quod habuit procul dubio restaurat ; Rigomerus autem
 in hoc opere ineffabiliter exhibuit quod numquam illa materia continuit. Stupen-
 dum certe hoc, nihilominus et illud, et quod potissimum autumet definire pavi-
 20 tat animus, utrumque vero aequa pensat in eo qui mirabiliter disponit omnia in
 omnibus. Inter haec sane, o sancta dulcedo, dum tua maxima revollo, meam im-
 becillitatem mihique similium pertractans compungor, quoniam, si aliquid boni
 vel strictim incohavero, ad tenuem cujuscumque objurgationis seu contemptus
 auram funditus reicio, ac si non speculetur Deus nisi quod ore celebratur hu-
 25 mano. At tu, signipotens, nequaquam talis : coeptum quippe opus bonum neque
 suspicione neque declamatione neque despectione omisisti, sed ad talum usque
 perduxisti, eoque modo quia nulla umquam virtus nisi provida patientia servari
 valeat assignasti. Quisquis ergo hanc vere victricem adipisci desiderat, ab eo a
 quo tu obtinuisti inhianter depositat : nam qui aliunde quicquam utilitatis pree-
 30 stolatus fuerit, sese fallere quandoque pervidebit.

[VIII.] Jam vero ad supplendum propositum sermo redeat, quo citius perplexi-
 tati terminum indicat. Itaque, sicut praemisimus, regiis sanctis * Domini, Rigomerus
 scilicet atque virgineus flos Thenestina, donati exeniis, valedicentes augusto, ad
 sua ocius sunt regressi. Paucis ergo post emensis diebus Thenestina beata sanctum
 35 antistitem adiens Innocentium, indicat tota se aviditate sanctimonialium sitire
 religionem, nullatenus tamen presumere attingere nisi ob summi sacerdotis
 sollemnem consecrationis orationem. Tum vir Dei, discretam puellae advertens
 industriam ac devotionem, pia exhortatione abunde delinitam consecrat. Deinde,
 exemplo tali, utpote providus pater, multas suo regi praesagans lucrari ejus
 40 sexus personas, quo monasterium suae professioni idoneum penes Cinomannense
 oppidum, hinc muro, hinc amne a saecularibus secretum, conderet assignat.
 Quod felix capella libenter complexa, ecclesiam in honore Dei genitricis perpe-

* sic.

tuaeque virginis Mariae miro comptam decore construxit, maximumque sacram
feminarum coetum inibi aggessit; quibus, quounque advixit, quid sibi creden-
dum, quidve sperandum, quid denique supra omnia diligendum existere, sedule
inculcavit.

VIII[1]. Praeceptorii nihilominus suo sanctissimo, eo in vico, qui Suliniaeus 5
censetur, uti cellulam erigeret, a praefato praesule litteris impetravit. Denum
quoque, laudabili vitae explicito cursu, gaudia sempiterna Domini Dei sui subli-
miter introivit. Rigomerus quoque venerandus, ad conficiendam illam quam sibi
infulatus pontifex concesserat deificam aram penitus intentus, nec tamen exte-
riore labore minuebatur Dei cultus, quin potius omni conamine quem diu arri- 10
puerat augmentari decertabat, sciens inutile quod non exornat bonorum clausura
operum. Siquidem, materialis dum paries incresebat, quo cumque valebat,
obsecrando, increpando, arguendo, Christo Domino incorporabat. Tandem porro
aedificio ad votum peracto, religiosos quoque sibi fratres unire studuit atque eos
tum justissimi exercitii exemplo tum sacrae ammonitionis verbo tumentia depre- 15
dantis saeculi molimina funditus a corde abigere, caelestia vero omni instantia
expetere, infatigabiliter edocuit. Reliquum autem procinctus sui spatiū quis
umquam levi disputatione annotare poterit quam sancte, quam juste, quam pie
peregerit? Omne etenim quodcumque sui juris extitit, iugi subministratio hila-
riter indigentibus erogavit. Et corpusculum quidem sanctum ejus perenni casti- 20
gatione famis, vigiliarum, imbris lacrimarum, densitate singultuum, continua-
tione orationum affliciebatur; animus vero illud Davidicum: *Quando veniam et
apparebo ante faciem Dei?* exspectando in superis elevabat. Igitur quo ejus
intima paulatim attingamus, nostra nequaquam conjectura ea ad medium sunt
documenta digerenda, quibus qui extorris convictus fuerit beatus nullo modo 25
esse quibit. Sunt quippe hujusmodi: *Si quis Dei cultor est et voluntatem ejus
facit, hunc exaudit, peccatores autem disperdet;* et: *Deus superbis resi-
stit, humilibus vero dat gratiam;* et: *Omnis qui caste vivit, templum est
Dei, qui vero Dei templum violaverit, ipse eum disperdet;* et: *Qui voluerit
esse amicus hujus saeculi, inimicus constituetur Dei;* atque: *Videte ne 30
graventur corda vestra in crapula et ebrietate et curis hujus vitae;* et:
Vigilate et orate, ne intretis in temptationem; et: *Obedire oportet Deo
magis quam hominibus;* et: *Beati qui persecutionem patiuntur propter
justitiam, quoniam ipsorum est regnum caelorum;* aliaque quam multa,
sine quibus perfectio non adipiscitur beata. Quod si haec ita se habent, immo 35
quia ita, et Rigomerum nostrum beatum fore miracula praelibata testantur, quod
ipse persecutionem propter justitiam sit passus, quod Deo obedierit, quod propter
phantasticas temptationes oraverit et vigilaverit, quod sollicitudinem vitae noc-
ivam non habuerit, quod sobrietatem cum frugalitate sectatus sit, quod amicus
Dei et hostis saeculi esse voluerit, quod caste vixerit, quod humiliis execransque 40
superbiā extiterit, quod justus, quod Dei cultor et voluntatis ejus effector
fuerit. Hinc colligere verissime valemus quod eum in talibus et pro talibus rebus
misericordissimus semper exaudierit Deus.

[X.] Cum igitur tot laborum exercitiis nitidum agnus spiritum cerneret undique bene limatum ac elutum : *Jam, inquit, transito hieme, siccato imbre, apparentibus floribus, emittentibus floridis vineis odorem suum, quoniam tota pulchra es, filia principis, tota pulchra, surge, propera^{*}, amica mea,* ^{* cod.} *speciosa mea, columba mea, formosa mea, et veni.* Ad haec sponsa, dilecti odoratis blanditiis, quem votis jam dudum liquefacta querendo per vicos et plateas requisierat sed non invenerat : *Dilecte mi, ait, dilecte mi, electe ex millibus, trahere me post te, in promptuaria tua introduc me : nam quia totus es desiderabilis, vulnerasti cor meum, vulnerasti caritatem ; en ego langueo, langueo amore.* Interea, quo maturior foret sponsi sponsaeque praeoptata conexio, corporeae exuviae levi feriuntur incommodo, casumque sui minitantes mox futurum praesignant omnino ; nec tamen solitum divinae majestatis ministerium linquitur ullo modo. Citur^{*} interim, dum conquassatum cadaver ac funeri continguum appeteret messiopem, atque fragilitati cedere deditans victor animus illud cogeret ad laborem. Tandem adest retributor piissimus, utque ad superos evolet innuit sacer omniisque materiali decore pulchrior Spiritus. Ejus autem nutu nono kalendiarum septembrium die, corporeo posito onere, angelico regimine evehitur in aethere, felix felicis perpetua fruiturus Elysei amoenitate. Sacratae nempe Rigomeri sacer[dotis] eximii exequiae devotissime ab omni clero necne et populo, uti decebat, celebratae sunt illo quo cellam confecerat suam praedio, cum multo tripudio, quoniam nullus ambigebat sanctorum eum adscitum numero vereque perenniter vivere in Christo.

Haec igitur ad laudem summae et individuae Trinitatis pauculis grammulis pro brevitate peritiae de sacro ortu, miraculis, actuque ac vitae tuae termino, non ut volui, sed, caritate tua strictus, Rigomere pater sanctissime, ut potui decerpsi. Tu vero, quia pius es, praesumptivo affectui meo pie parce, omnibusque te venerantibus et invocantibus propria benignitate succurre, quo per te apud Dominum peccatorum suorum indulgentiam consequantur celerrime : cui est honor et aeterna potestas et nunc et in aeternitatis die. Amen. Nos ergo jam hic metamfigamus dicendi, ne interminata perplexitate cum sui etiam rusticitate abigamus animum captantis haec indagare amore patroni.

^{* cod.}
Cetatur.

CD. Codex signatus num. 5595.

Olim Colbertinus 3426, deinde Regius 4427. 3. 3. A.

Foliorum 89, min. (0^m,215×0,175), lineis plenis, exaratus saec. XI.

1^o Vita et actus atque obitus beati Remigii Remorum archipontificis (fol. 1^r-69^r).*

Auctore Hincmaro. — Sequitur (fol. 69^r-81^r) ejusdem Hincmari encomium

S. Remigii (ed. P. L., tom. CXXV, p. 1187-98); et deinde (fol. 86^r-98^r), officium S. Remigii notis musicis insignitum.

2^o De sancto Vedasto (fol. 87^r-87^v).

Lectiones tres, excerptae e Vita breviori, ed. *Act. SS.*, ad d. 6 Febr., tom. I, p. 792-94, scilicet fine num. 1 (*Venerandi ergo viri Vedasti...*) usque ad initium num. 4 (... *omnemque religionis censuram exemplo monstrabat et verbis studebat et docebat*).

3^o De sancto Hilario episcopo (fol. 89^r-89^v).

Item lectiones tres, excerptae e Vita S. Hilarii auctore Fortunato, scilicet (ed. *Act. SS.*) num. 3-5.

CDI. Codex signatus num. 5596.

Olim Colbertinus 432, deinde Regius C. 4432. 5.

Foliorum 174, min. (0^m,213×0,13), lineis plenis, exaratus saec. IX.

1^o Vita sancti ac beatissimi Remeldii [seu Remigii Remensis episcopi] (fol. 1^v-8^v).*

Auctore Fortunato.

2^o Transitus sancti Martini (fol. 169^v-174^r).*

Scilicet pars posterior epistolae Sulpicii Severi ad Bassulam (*Martinus igitur obitum suum...*).

CDII. Codex signatus num. 5597.

Olim Regius C. 4438.

E diversis codicillis compactus, quorum primus tantum membraneus est, foliorum sex, min. (0^m,213×0,13), lineis plenis, exaratus saec. XII; secundus, chartaceus, foliorum 24, min. (0^m,20×0,15), lineis plenis, exaratus saec. XV. Reliqui (a fol. 31) saeculo XV posteriores sunt.

1^o Vita beatissimi Leonardi confessoris Christi (fol. 1^r-5^r).*

2^o Vita beati Paphnutii (fol. 7^r-12^v).

Scilicet *Historiae monachorum*, auctore Rufino, cap. 16 (P. L., tom. XXI, p. 433-39). Mutila desinit in verbis *divinae sapientiae studiis permanebat*.